



Kattusseqatigiit Partiat

01 oktober 2010

Inatsisartut suleriaasianni § 36 imm. 1 naapertorlugu apeqquteqaat imattoq Naalakkersuisunut ingerlateqqippa:

Naalakkersuisunut apeqqut:

Naalakkersuisut ilinniartut ingammik ilinniartunut meeralinnut ilinniariartortunut pigisat nassarnerannut pitsanngorsaanissamik pilersaaruteqarpat?

(inatsisartunut ilaasortaq Jens Jørgen Broberg, Kattusseqatigiit Partiat)

Tunngavilersuut:

Ilinniariartortut ilaqtariit ilaanni aallartarput inigisartik qimallugu, tassungalu atatillugu pigisatik nassartariaqartarlugit, ajoraluartumilli pigisaannut Containerit inatsit malillugu 12 m^3 kisimik ilaqtariinnut pingasut sinnerlugit meeraqarpata atuuttussatut inatsisaalluni, taamaammallu 6 m^3 marluk tunniunneqartarput, ilami pigisanut soorlu. Sofa, sofabord, spisebord, siniffiit, aammalu køleskabet assigisaannullu naapertuutinngitsunik tunineqartarlutik ilaqqissagunikkillu namminneq akilertussaassavaat, isumaqarpungalu tamanna ilinniarniartumut toqqisisimananngitsoq artornartorlu, taamaammat iliuuseqartoqarnissaa piaartumi ilinniartut eqqarsaatigalugit inassutigerusunnarpoq.

Oqaluttarpugummi ilinniarniartsit nunatta siunissaraasi, kisialli atugassarititaasut taamaatsillugit kia pisattami affai kisiisa nassarlugit ilinniariartussagami, ilami artornartorsiortut amerlapput.

Taamaammat neriuuppunga tamanna eqqartorneqassasoq, aammalu aaqqiivigineqassasoq ima: assersuut: 6 m^3 ilinniartumut kisimiittumut innersuunneqarsinnaavoq, ataatsimik imaluunnit pingasunik meeralinnut aappariinnut 12 m^3 , taavalu ilaqtariinnut pingasut sinnerlugit meeralinnut angineq tunniunneqarsinnaanissaa misissoqqunarpoq, taakkuupput pitsanngorsaatissatut siunnersutigisinnasaakka.